



糖廠的浴間仔

前幾工仔阿爸佢阿母，利用歇暍日仔和一寡老朋友相招去日本迢迢。暗時仔佇飯店歇暍的時陣，難免會想欲去浸溫泉，試一下仔無全款的滋味。問題是佇日本浸溫泉的方式佢咱臺灣有淡薄仔無全。個遐無論是有分別查埔的佢查某的，甚至是公共浴堂，攏是愛褪光光才會當落去浸。這欸情形真正會予一寡仔較保守、較閉思的人，感覺真歹勢，感覺無意無思，大範袂起來。

這種情形予我想起較早五、六十年代，規條街仔差不多有三份一的人，逐工下晡時若到，無論查埔查某、大人囡仔，攏會提一跤面桶，內底園欲換的衫褲、面巾、茶籐佢洗頭毛粉，一陣一陣行對糖廠設佇牆圍仔外的浴間仔去洗身軀，閣若親像輪班咧做工課咧。彼个年代因為逐家的生活猶真困苦，日常的開銷嘛攏誠儉。臺灣的經濟嘛才拄欲起磅，所以講若會當去糖廠避免開錢洗身軀，佇厝裡就毋免閣起火燃柴兼了水。會當省當然嘛盡量省，哪有咧考慮著佢逐家做伙洗身軀會歹勢抑袂咧？

這陣的少年輩抑是囡仔兄囡仔姊、甚至是出外的人，一定會感覺誠奇怪？是按怎糖廠的外口會起一間公用的浴池，免費咧予人洗身軀咧？這「講甲恁捌喙鬚就好拍結」矣。較早寒天若到，糖廠就會廊動，開始映甘蔗製糖，廊動機器咧運轉的時，溫度會真懸，著愛一直用水來降低溫度，遐的水就會對排水槽流出來。因為溫度真懸，所以流出來的水毋但是燒的，猶閣有真芳的糖分味。而且色水攏是甘蔗色的，浸佇浴池就若親像咧浸溫泉全款。

其實，糖廠是日本時代所設的。彼陣公共浴池有分做兩片，一片是查埔的，另外一片是查某的。對大多數的人來講，應該攏袂感覺會袂慣勢、會礙虐。當然啦！彼个年代嘛猶閣是男女授受不親，真保守的年代，欲查埔查某全一間浴池洗身軀，根本是無可能的代誌。大人囡仔做伙洗身軀，無論有熟似無，心肝內想的是干焦為著欲節省厝裡的開銷，攏會相招做伙來洗身軀，欲哪會去想著歹勢佢礙虐的代誌咧。

顛倒是這馬經濟改善，人佢人中間的感情查查仔薄去矣。會當利用洗溫泉的機會，予逐家真心破腹來相見，互相開講、盤擱來培養情份。啥知影逐家煞毋驚生份人，翻頭來驚喙見目見的熟似人，實在是予人想攏無。

作者：平安孀仔

☆詞彙學習☆

【閉思】pì-sù：個性內向、害羞，靦腆的樣子。

【大範】tuā-pān：一個人的舉止十分大方、自然，不受拘束。

【三份一】sann-hūn-tsit：三分之一。

【起磅】khí-pōng：車輛、機械等起動運行，也指活動、事業正式起始。

【拍結】pah-kat：打結。可以用在頭腦打結，表示不靈活。

【映】kheh/khueh：擠。

【礙虐】gāi-giòh：又唸作 ngāi-giòhm。彆扭、不順，令人覺得不舒服。

【開銷】khai-siau：開支。所支付出去的金錢。

【破腹】phuà-pak：真誠相對。

【盤擱】puānn-nuá：交際應酬。指人與人之間互相交往。